



---

Llywodraeth Cymru  
Welsh Government

## **Bil Cymwysterau Cymru**

Bwriad polisi'r rheoliadau  
sydd i'w gwneud o dan y Bil

Rhagfyr 2014

## **BWRIAD POLISI'R RHEOLIADAU ARFAETHEDIG O DAN FIL CYMWYSTERAU CYMRU**

Mae'r ddogfen hon yn sôn am y cyfeiriad polisi cyfredol mewn cysylltiad â'r rheoliadau y mae Gweinidogion Cymru yn bwriadu eu gwneud gan ddefnyddio'r pwerau yn y Bil Cymwysterau Cymru ('y Bil).

Mae Bil Cymwysterau Cymru yn darparu ar gyfersefydlu corff annibynnol newydd o'r enw 'Cymwysterau Cymru' i fod yn gyfrifol am reoleiddio cyrff dyfarnu a chymwysterau yng Nghymru.

Mae'r fframwaith rheoleiddio newydd wedi'i amlinellu yn y Bil. O ran y pŵer i wneud gorchmynion ar gyfer cychwyn y ddeddfwriaeth, mae adran 55 o'r Bil yn darparu y daw rhai darpariaethau i rym ar y diwrnod pan fydd y Ddeddf yn derbyn Cydsyniad Brenhinol. Cychwynnir darpariaethau eraill y Bil, drwy orchymyn, pan fydd Gweinidogion Cymru yn ystyried ei bod yn briodol neu'n fuddiol.

Mae'r Bilyn darparu tri phŵer gwneud rheoliadau ar gyfer Gweinidogion Cymru. Mae Llywodraeth Cymru o'r farn bod y pwerau hyn i wneud rheoliadau yn hanfodol er mwyn:

- (a) rhagnodi sut y penderfynir ar werth y cosbau ariannol y gall Cymwysterau Cymru eu rhoi;
- (b) galluogi Gweinidogion Cymru i gynnig gorchmynion sy'n nodi'r gofynion sylfaenol ar gyfer rhai cymwysterau mewn perthynas â materion yn ymwneud â'r cwricwlwm;
- (c) ei gwneud yn bosibl cynnig unrhyw ddarpariaethau canlyniadol a/neu drosiannol angenrheidiol, ac ati.

Ym mhob achos, rheoliadau yw'r llwybr arfaethedig er mwyn darparu hefyd ar gyfer hyblygrwydd yn y dyfodol o ran materion a allai newid o bryd i'w gilydd.

Mae'r ddogfen hon yn nodi sawl datganiad o fwriad polisi mewn perthynas â'r rheoliadau y gellid eu gwneud o dan Fil Cymwysterau Cymru, os daw i rym.

Dylid darllen y ddogfen hon ar y cyd â:

Bil Cymwysterau Cymru

<http://www.senedd.cynulliad.cymru/mglIssueHistoryHome.aspx?Ild=11777>

Y Memorandwm Esboniadol ar gyfer ar gyfer Bil Cymwysterau Cymru

<http://www.senedd.cynulliad.cymru/mglIssueHistoryHome.aspx?Ild=11777>

Yr Ymgynghoriada chrynodeb o'r ymatebion - *Ein cymwysterau: ein dyfodol*

<http://wales.gov.uk/consultations/education/our-qualifications-our-future/?skip=1&lang=cy>

RHEOLIADAU SY'N YMWNEUD Â:	P  er i bennu gofynion sylfaenol
RHAN O'R BIL:	Rhan 4 - Cymeradwyo Cymwysterau
ADRAN	21
<b>DISGRIFIAD O'R P  ER/RHEOLIAD</b>	
<p>Mae'r adran hon yn rhoi'r p  er i Weinidogion Cymruwneud rheoliadau sy'n amlinellu gofynion sylfaenol ar gyfer fersiwn o gymhwyster y gall Cymwysterau Cymru ei chymeradwyo. Mae'n rhaid i'r gofynion ymwneudâ'r wybodaeth, y sgiliau neu'rdealltwriaeth (hy cynnwys y pwnc) y mae'n ofynnol i'r cymhwyster hwnnw roi sylw iddynt.</p> <p>Mae'r Bil yn amlinellu nifer o amodau y mae'n rhaid eu bodloni cyn y gall Gweinidogion Cymru wneud y rheoliadau hyn. Mae'r amodau hyn yn sicrhau mai dim ond os yw Gweinidogion Cymru wedi eu bodloni ei bod yn angenrheidiol pennu'r gofyniader mwyn sicrhau bod y cwricwlwm a ddilynr gan ddysgwyr yn briodol at anghenion rhesymol y personau hynny y caniateir i'r rheoliadau gael eu cyflwyno. Nid yw hwn yn gorfod bod yn 'gwrwicwlwm cenedlaethol' sydd wedi'i gyhoeddi o reidrwydd, ond rhaid i'r gofynion a amlinellir yn y rheoliadau ymwneud â'r wybodaeth, y sgiliau a'r ddealltwriaeth y mae'n rhaid i'r dysgwr eu harddangos at ddiben penderfynu a ddylid dyfarnu'r cymhwyster i berson. Cyn gwneud rheoliadau sy'n pennu gofynion sylfaenol, rhaid i Weinidogion Cymru ymgynghori â Chymwysterau Cymru ac eraill, fel y bo'n briodol, gan roi rhesymau dros y cynnig i bennu'r gofynion sylfaenol.</p>	
<b>PAM MAE ANGEN Y P  ER RHEOLEIDDIO</b>	
<p>Mae Gweinidogion Cymru yn cadw'r cyfrifoldeb dros y cwricwlwm a thros bolisiau sy'n ymwneud â sgiliau cyflogaeth. Mae'n bwysig bod cymwysterau dysgwyr yn cael eu cynllunio mewn ffordd sy'n sicrhau bod yr wybodaeth, y sgiliau a'r ddealltwriaeth y mae'n ofynnol eu haddysgu - neu a ystyrir yn hanfodol iddynt eu dysgu - yn cael eu hasesu. Fel rheol, mae disgwyl i Gymwysterau Cymru sicrhau bod gofynion cymwysterau, o ran eu cynnwys, yn briodol mewn perthynas â'r anghenion hyn. Fodd bynnag, bydd y p  er hwn i wneud rheoliadau yn gweithredu fel p  er wrth gefn, fel y gall Gweinidogion Cymru fynnu bod elfennau penodol yn cael eu cynnwysy'n briodol o ran anghenion rhesymol y dysgwyr.</p>	
<b>BWRIAD POLISI'R RHEOLIADAU</b>	
<p>Mae cyflwyno gofynion sylfaenol yn golygu na chaiff Cymwysterau Cymru gymeradwyo fersiwn o'r cymhwyster hwnnw oni bai ei fod yn fodlon bod y cymhwyster yn cydymffurfio â'r gofynion a amlinellir yn y rheoliadau. Rhaid i'r rheoliadau drafft ddilyn y weithdrefn gadarnhaol a chael eu cymeradwyo gan Gynulliad Cenedlaethol Cymru cyn y gellir eu gwneud a chyn y gallant ddod i rym.</p>	
<b>Gwybodaeth arall berthnasol (gwaith a wnaed hyd yn hyn, dogfennau polisi neu ddatganiadau gweinidogol)</b>	
<p>Mae pwerau tebyg yn bod ar gyfer yr Ysgrifennydd Gwladol o dan adrannau 141-144 o Ddeddf Prentisiaethau, Sgiliau, Plant a Dysgu 2009.</p>	

RHEOLIADAU SY'N YMWNEUD Â:	P er i osod cosbau ariannol
RHAN O'R BIL:	Rhan 6 – Pwerau gorfodi Cymwysterau Cymru
ADRAN:	33(3)
<b>DISGRIFIAD O'R P ER/RHEOLIAD</b>	
<p>Mae adran 33 yn galluogi Cymwysterau Cymru i osod cosb ariannol ar gorff dyfarnu lle mae wedi methu â chydymffurfio ag amod cydnabyddiaeth neu gymeradwyaeth, ac mae'n amlinellu'rgofynion mewn perthynas â gosod cosb o'r fath, gan gynnwys gofynion o ran rhoi hysbysiad a rhoi sylw i sylwadau a ddaw i law.</p> <p>Mae hefyd yn gwneud darpariaeth, yn is-adran (3), i Weinidogion Cymru gael gwneud rheoliadau ar sut mae Cymwysterau Cymru yn penderfynu ar y swm i'w thalu. Bydd y rheoliadau a wneir gan Weinidogion Cymru yn amlinellu'r gofynion o ran sut i gyfrifo'r swm. Mae'r rheoliadau hyn yn ddarostyngedig i'r weithdrefn gadarnhaol.</p>	
<b>PAM MAE ANGEN Y P ER RHEOLEIDDIO</b>	
<p>Os yw'n ystyried bodcorff wedi methu â chydymffurfio ag un o amodau ei gydnabyddiaeth neu unrhyw gymeradwyaeth i gymhwyster, gall Cymwysterau Cymru osod cosb. Mae'r p er i wneud rheoliadau yn ei gwneud yn ofynnol i Weinidogion Cymru bennu cyfyngiadau ar swm y gosb ariannol.</p>	
<b>BWRIAD POLISI Y RHEOLIADAU</b>	
<p>Bwriad y rheoliadau yw cyfyngu ar ystod y gosb y gall Cymwysterau Cymru ei gosod ar gyrrff dyfarnu yng Nghymru.</p> <p>Mae'r pwerau sydd wedi'u sefydlu ar hyn o bryd yn galluogi Gweinidogion Cymru i osod cosb ariannol o hyd at 10% o gyfanswm trosiant y corff dyfarnu dan sylw: pennwyd y cyfyngiad hwn i gyfateb i'r cyfyngiad sydd wedi'i bennu mewn perthynas â phwerau Ofqual yn Lloegr. Fodd bynnag, mae swyddogion o'r farn y gellid ystyried bod yffigur o 10% o gyfanswm y trosiant yn ormodol - i sefydliadau llai a mwy - yn enwedig o gofio'r gyfran fach o'u busnes sy'ndigwydd yng Nghymru mewn sawl achos. Mae ystyriaeth yn cael ei rhoi, felly, i ddull mwy cymesur o gyfrifocsb ariannol, a gaiff ei amlinellu mewn rheoliadau.</p>	
<b>Gwybodaeth arall berthnasol (gwaith a wnaed hyd yn hyn, dogfennau polisi neu ddatganiadau gweinidogol)</b>	
<p>Mae Polisi Dirwyo cyfredol Gweinidogion Cymru mewn perthynas â gosod cosbau ariannol ar gyrrff dyfarnu cydnabyddedig i'w weld ar-lein yn:  <a href="http://wales.gov.uk/topics/educationandskills/qualificationsinwales/qualificationregulation/regpublication/regulations/?skip=1&amp;lang=cy">http://wales.gov.uk/topics/educationandskills/qualificationsinwales/qualificationregulation/regpublication/regulations/?skip=1&amp;lang=cy</a>  Darperir ar gyfer y cyfyngiad cyfredol o 10% o drosiant yn adran 32AB Deddf Addysg 1997 ac mae Gorchymyn Personau Cydnabyddedig (Cosbau Ariannol) (Penderfynu Trosiant) (Cymru) 2012 (OS 2012/1248) yn amlinellu sut caiff trosiant ei gyfrifo i'r dibenion hyn.</p>	

RHEOLIADAU SY'N YMWNEUD Â:	P er i wneud darpariaeth ganlyniadol a throsiannol etc.
RHAN O'R BIL:	Rhan 8 – Cyffredinol
ADRAN:	54
<b>DISGRIFIAD O'R P ER/RHEOLIAD</b>	
<p>Mae'r adran hon yn rhoi'r grym i Weinidogion Cymru wneud rheoliadau i ddarparu ar gyfer unrhyw ddarpariaeth atodol, ganlyniadol neu gysylltiedig, neu unrhyw ddarpariaeth drosiannol, ddarfodol neu arbed er mwyn rhoi effaith lawn i un o ddarpariaethau'r Bil, neu at ddibenion, neu o ganlyniad i, un o ddarpariaethau'r Bil. Gall rheoliadau o'r fath ddiwygio, diddymu neu ddirymu unrhyw ddeddfiad, gan gynnwys is-ddeddfwriaeth a deddfiadau a wneir yn y dyfodol. Lle maent yn diwygio deddfwriaeth sylfaenol, bydd angen i'r rheoliadau ddilyn y weithdrefn gadarnhaol yn y Cynulliad.</p>	
<b>PAM MAE ANGEN Y P ER RHEOLEIDDIO</b>	
<p>Mae Atodlen 4 yn gwneud diwygiadau canlyniadol i ddeddfwriaeth sylfaenol sydd eisoes yn bodoli.</p> <p>Efallai y bydd angen darpariaethau pellach i roi effaith i'r Bil neu o ganlyniad i'r Bil. Yn yr un modd, wrth wneud diwygiadau o'r fath, efallai y bydd angen darpariaethau trosiannol, ddarfodol neu arbed er mwyn cynnal parhad y ddarpariaeth neu er mwyn mynd i'r afael â materion penodol a allai godi yn sgil y broses drosglwyddo.</p>	
<b>BWRIAD POLISI Y RHEOLIADAU</b>	
<p>Y bwriad yw ei gwneud yn bosibl trosglwyddo'n effeithiol o'r hen drefn reoleiddio i'r newydd a sicrhau bod modd gwneud diwygiadau canlyniadol i ddeddfwriaeth.</p>	

GORCHYMYNSY'N YMWNEUD Â:	P er i wneud darpariaeth ganlyniadol a throsiannol etc. mewn cysylltiad â chychwyn un o ddarpariaethau'r Bil
RHAN O'R BIL:	Rhan 8 – Cyffredinol
ADRAN:	55
DISGRIFIAD O'R P ER/GORCHYMYN	
<p>Mae'r adran hon yn rhoi'r grym i Weinidogion Cymru wneud gorchymyn cychwyn sydd hefyd yn darparu ar gyfer gwneud unrhyw ddarpariaethau trosiannol, darfodol neu arbed pan fydd un o ddarpariaethau'r Bil yn dod i rym.</p>	
PAM MAE ANGEN Y P ER I WNEUD GORCHYMYN	
<p>Mewn cysylltiad â chychwyn darpariaethau'r Bil, efallai y bydd angen darpariaethau trosiannol, darfodol neu arbed er mwyn cynnal parhad darpariaeth neu er mwyn mynd i'r afael â materion penodol a allai godi, er enghraifft wrth drosglwyddo o un drefn reoleiddio i un arall.</p>	
BWRIAD POLISI Y GORCHYMYN	
<p>Y bwriad yw ei gwneud yn bosibl trosglwyddo'n effeithiol o'r hen drefn reoleiddio i'r newydd a sicrhau bod modd gwneud darpariaeth drosiannol, darfodol neu arbed briodol.</p>	